

Friday, July 4, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

(MIDDAY)

## LOK SABHA MP

Lok Sabha MP Pu Richard Vanlalhmangaiha'n tunhnaia Central Service exam ah Mizo inziak tling an awm theilo chu pawl atih thu sawiin zirlaite tan chona nasa tak anih thu a sawi.

He thu hi vawiina MZP huaihawtin Under Graduate Gold Medalist chawimawina, I&PR Auditorium an hmanna-ah sawiin Lok Sabha MP chuan Central Service ah Mizo an inziah tlinna chu a rei tawh hle tih sawiin tun hnuah inziak tling an awm theilo chu a pawl atih thu sawiin tuna zirlai mek te tan chona nasa tak ani a ti a, theihtawp chhuaha Mizo ti hming tha tu ni thei tura tan la theuh turin a chah a ni.

Pu Richard-a chuan Mizoram chu a la thianghlim tih sawiin rilru thinghlim tak nei an nih thu a sawi a, Mizoram hmakhua leh kaihruaina kawngah thinghlim taka a kal theih nan tuna zirlaite an pawimawh tih sawiin an hlawhtlinna chu Mizo pumpui hlawhtlinna a nih thu a sawi bawh.



## PS MUANGA

Kumin March ni 29, Inrinni zana Champhai a Pausianmuanga tualthihnaa inhnamhnawiha puhte bail-a chhuah an ni dawn nia hriain vawiin khan Champhai Bethel Veng mipuite Champhai Police Station kawtah an pungkawm.

Champhai Bethel Branch YMA-in an thuchhuaha an tarlan danin Pausianmuanga (kum 28) tualthihna chungchanga thil tisualtute chu bail-a chhuah anni tur chu Champhai Police-te hmalak chak tawh lohnaah an ngai an ti a, Pungkawmnaah hian police-te'n ni 90 chhunga Pausianmuanga thihna chungchang report court-a thehluh a nih loh vangin pawl khawhtua puhte bail-a chhuah an nih dawn thu tarlan a ni a. Police Station tuala pungkawmte hian mi harsa leh chanhai zawk anih avanga case chu ngaihthah leh bawhzui chak lo nia an ngaih thu sawiin Case latute an demna thu an tarlang a ni.

Champhai Police-te chuan March 29 zana Pausianmuanga Champhai Bethel Veng thihna ah hian mi pakua an man a, Pausianmuanga hi Chhangphut Field gallery atangin a thlang lamah tla thla a, damdawi in panpui a nih hnuah a hlaim tuar loin a thi a. He thil thleng chungchangah hian FIR thehluh niin he thihna thleng chungchangah hian insual rawna a thleng ngei nia hriat a ni a, a mawhphurtua puh mi pakhat Lalruatthara, Champhai Kanan Veng nia insawi chu March 29 zan khan Champhai Police kutah a in pe a, Police ten an chhui zuina kal zelah thu zawhfiah turin mi pariat an man belh a ni.



## **CABBAGE**

Champhai District-a Samthang khua chuan zikhlum tharchhuah hralh kawngah harsatna an tawk mek a, hralhchhuah kawngah sawrkar hmalak pui tura an ngenna in awmzia a neihloh avangin Zikhlum chingtute an buai mek nia thu dawn a ni.

Samthang khuaah hian chhungkaw 240 vel awmin an zinga chhungkaw 145 in eizawna atan kuminah zikhlum hi an ching mek a, zikhlum Qital 10500 vel tharchhuah hralh kawngah harsatna an tawh chu sawrkarin hriatpuaia state pawn atanga zikhlum lakluh ti tawp hrih turin an ngen a ni.



## **ACLCA**

Aizawl City Local Council Association hruaituten nimin khan Central YMA hruaitute hmu in hnamdang mistiri rawih leh theka rate chungchang an sawipui.

Nimin tlai khan Aizawl City Local Council Association (ACLCA) hruaitute hi an President Pu C. Lalbiaknunga hovin CYMA pisa ah an leng a, ACLCA hruaitute hian Mizo hnam himna tura an ngaihpawimawh hrang hrangte Central YMA hruaitute hi an sawi pui a, Inner Line Permit (ILP) pekchhuah dan leh hmansual a nih theih dan te leh Hnam dang Misitiri rawih dan chungchang leh Theka Rate chungchang bakah Ruihlo do kawnga thawhho chungchang an sawipui a ni.

Central YMA hotute chuan Vengchhung thianglimna tur leh hmasawna atan thawhona tha YMA leh Local Council ten neih a tul thu sawiin an thu thlen chu anlo sawiho tur thu an hrih a ni.



## **HINDI PRACHAR SABHA**

Mizoram Hindi Prachar Sabha (Mizoram Board of Hindi Propagation) Hotute leh Mizoram Hindi Training College hotute'n Hindi Tawng tih Hmasawna tur hrang hrang an sawiho.

Nimina thutkhawmah hian Mizo Thalaite Central Service hrang hrang leh Professional line ah tam zawk an luh theihnan Mizo Zirlai te'n Hindi Tawng zir a pawimawh zia an hriat a. MBSE - hnuaiiah Compulsory Subject ah Hindi telh la nilo mahse, a bikin Class X - Zirlai te'n MIL ah Hindi Subject lak tel nachang an hriat theih nana hmalak an rel a, heng bakah hian CSS hnuaiiah Hindi Teacher te SAMAGRA hnuaiiah an awm tak avangin SAMAGRA - ah Hindi Education Officer an awm ve a tul thu leh Hindi Teacher (Regular) Post ruak hnawhkhah loh tam lutuk chungchang bakah Central Hindi Directorate in a phalsak anga Mizoram Hindi Prachar Sabha in Diploma Training Course kalpui a tum a hlawhtlin theih nana theihtawpa hmalak an rel a ni.

